

# जुँकीला

दै १

ल्या: १

ने.सं. ११२० सिल्लाथव १५

वि.सं. २०५६ फागुण ७

२००० फेब्रुअरी १९

मे २

## नेपालय् खनेदुगु शैव सम्प्रदायत

गंगालाल श्रेष्ठ

भारतया सिन्धुघाटी सभ्यताय् लिङ्ग पूजा सिन्धुघाटी सभ्यताय् जकमखु वेविलोन, युनान, मिश्र व चीनय् न प्रचार जूगु धइगु अनया प्राचीन शास्य जूगु उत्खननय् लूगु मूर्ति सिङ्केफु । जब भारतय् ईपू स्वयाः करिव निद्रः दै न्हयः मध्य एशिया जुयाः भारतय् दुहावना सिन्धु सभ्यतायात विनाश यानाः आर्यसभ्यता विकास यात । थ्व हे आर्य सभ्यताया विकास इलय् रचना जूगु ऋग्वेद खः । थ्व हे ऋग्वेदय् छथ्व आचार्य जातितय् शिशन पूजा याइपि धयातःगु दु । थ्व आधारय् आर्यत भारतय् दुहा वये न्हयः सिन्धु सभ्यता लगायत-मेगु मुलुकय् न गुगु लिङ्ग पूजा प्रचार जूगु खः । थ्व ईश्वरीय रूप मखुसे प्रयोजन रुपय् लिङ्गयात पूजा याना वयाच्वगु धइगु थुङ्केफु । जब आर्यतय्स थःगु इश्वर रुद्रयात कलि बियाः पूजा याना वयाच्वगु धइगु वैदिक साहित्यया अध्ययन सिङ्केफु । जब वैदिक युग धुकाः रुद्रयात शंकर व शिवया विकास जुसेलि गुगु प्रयोजनया रूप कथं लिङ्ग पूजा न्हयाका वयाच्वगु खः व भारतवासीतय्स शिवसांपि कथं लिङ्ग पूजा न्हयाका हल ।

वैदिक साहित्यया अध्ययन यायेवलय् नेपाल उपत्यका लगायत दक्षिण मैदानय् किरातीतय्स थःगु वासस्थान दयेका वःगु धइगु सिङ्केफु । थ्व हे किरातीतय्स न प्रयोजनया रूप पूजा याना वयाच्वगु लिङ्ग जब शिव स्वरूप विकास जुसेलि शिव भगवान किरातीतय्स आराधयेव कथं थुगु समाज मान्यता बियाः भक्तिभाव पूजा न्हयाका हःगु धइगु किरातीतय्स धर्म ग्रन्थ मण्डुम व पौराणिक महाभारत ग्रन्थ न सिङ्केफु । जब आर्य जाति पाखे पराजित जुसेलि दक्षिण मैदानया किरातीत जंगलया शरण कायेत बाध्य जुल । थ्व हे जंगली जीवन हनावपि किरातीतय्स किरात भेषधारी शिवया सृजनायात । थ्व हे शिव भगवान किरात युगिन समाज थःगु इष्टदेव कथं घयपुना हःमः खः । थथे किराती जातितय्स थःगु हे समाज सृजना याःगु जूगुलि महाभारतय् किराती भेषधारी शिवयात जंगली अवस्थाया चित्रण यानातःगु दु । भारतया उपनिषद् युग निसे शैव सम्प्रदायया विकास जुइ न्हयः तक्का काल खण्डयात ग्रन्थत अध्ययन यायेवलय्

शिवयात मानवया रूपय् कल्पना मयासे छगू मूर्खी, प्यगू मूर्खी व न्यागू मूर्खी लिङ्गित निर्माण यानाः शिव भगवान भाःपिया पूजा यायेगु चलन न्हयाका हःगु खकेफु । जब कि नेपाःया किरातीतय्स शिवयात मानवीय रूप कल्पना यानाः पूजाचलन न्हयाके धुकल ।

भारतय् जब शैवसम्प्रदायत विकास जुसेलि शिवरूपी लिङ्ग बारे थःथःगु हे धारणा कथं मत प्रचारय् हल । शैव सम्प्रदायत मुख्यत न्यागू दु व खः - शैव, पाशुपत, कालामुख, कपालिक व वीर शैव (लिङ्गयात) । थ्व न्यागू सम्प्रदायतय्स मुख्य मूर्ति लिङ्ग खः । तर-लिङ्ग पूजा जूसा लिङ्ग रूपि शिवयात थःथःगु दार्शनिक कथं दर्शनत प्रतिपादन यानाः प्रचारय् हल । थ्व शैव सम्प्रदायया शिष्यतय्स थःगु मत भारतय् जक सिमित मयासे नेपाःया भूमिड न हल । फलस्वरूप नेपालय् न थीथी शैव सम्प्रदायतय्स मत प्रचार जूगु धइगु लिच्छवि कालया इतिहासय् खकेफु । नेपालय् दकलय् न्हापा शैवसम्प्रदाय मध्ये न्हापा गुगु सम्प्रदाय प्रवेश जूगु धइगु बारे नेपाःया सांस्कृतिक व धार्मिक इतिहासया अध्ययन यायेवलय् न्हापा पाशुपत सम्प्रदाय न थाय् काःगु धइगु स्त्रयम पशुपति भगवान धयाच्वगु दु । पाशुपत सम्प्रदाय विकसित जुइधुकाः तिनि पशुपति खनेदयेकः वःगु खः । पाशुपत सम्प्रदाय पलिस्था बारे शर्व दर्शन संग्रहलय् छम्ह लकूलीश नायाम्ह मनुख ईपू निगू शताब्दी पाखे भारतय् पलिस्था याःगु धयातःगु दु । पाशुपत धर्मया प्रभाव यानाः नेपालय् पशुपति थाय् काःगु खः । थ्वया न्हयः किराती भेषधारी शिव भगवान खः । नेपालय् पाशुपत धर्म गुलि शताब्दी पाखे प्रवेश जूगु धइगु ऐतिहासिक स्रोतया कर्म यानाः थ्व हे इलय् दुहा वःगु धाये थाकु । तर पशुपति भगवान गुलि पुलां खः पाशुपत धर्म न नेपालय् उलि हे पुलांगु खनेदु । छाय्कि पाशुपत धर्मया प्रभाव हे थ्व पशुपति धर्वाचवगु खः ।

लिपा वयाः थ्व पाशुपत सम्प्रदाय विभिन्न रूप काःगु धइगु ग्रन्थय् खकेफु । थ्व विभिन्न सम्प्रदायत भारतय् जक सीमित मजुसे नेपालय् उत्तिक हे प्रचार जूगु धइगु लिच्छवी इलय् पलिस्था

यानातःगु अभिलेखया अध्ययन सिङ्केफु । जुजु अंशुवर्माया शासन काल निसे पलिस्था यानातःगु शिलालेखय् मुण्डभृखलिक पाशुपत, शुखबलिक पाशुपत, वंश पाशुपत, दान पाशुपत व लकूलीश पाशुपत उल्लेख जुयाच्वगु दु । थ्व शिलालेखया आधारय् पाशुपत सम्प्रदायया विभिन्न रूप नेपाःया समाजय् न व्यापकता काःगु धइगु प्रमाण खः । थ्व अभिलेखय् खनेदुगु सम्प्रदायतय्सु परिचय अभिलेखया अध्ययन सिङ्के थाकु । थथे परिचय कायेमफुसा हरेक नाया ल्युने पाशुपत उल्लेख यानातःगु मुख्यत पशुपति धर्मयात हे महत्त्व दीगुलि खः धइगु थुङ्केफु । पाशुपत सम्प्रदायतय्स मुख्य लिङ्ग पूजकयात हे महत्त्व बिया वयाच्वगु धइगु पशुपतिया प्राचीन लिङ्ग मूर्ति न प्रमाणित याः । लिच्छवि इलय् नेपाली समाजय् पाशुपत सम्प्रदाय जक हा काःगु मखसे नापनाप महेश्वर, सम्प्रदायक न उलि हे प्रचलित जू धइगु शिलालेखय् खकेफु । खुगू शताब्दी निसेया शिलालेखय् दक्षिणेश्वर, पर्वतेश्वर, भुवनेश्वर, नाथेश्वर, चुडीकेश्वर, भृङ्गारेश्वर आदि महेश्वरपनि ना उल्लेख जुयाच्वगुलि पाशुपत सम्प्रदाय नापनाप महेश्वर सम्प्रदाय न नेपाःमितय्सु जनजीवनय् प्याना वःगु धइगु सीकेफु ।

कालामुख व कपालिक सम्प्रदाय न भारतीय दार्शनिकतय्सु योगदान खः नेपाःमितय्सु मखु । कपालिक दर्शन कथं थ्व अनुयायीत मसानया नी बुलिपि व सीम्ह मन्या खप्पर धारण याइपि व अय्लाः ला न सेवन याइपि खः । मनूतय्स मसान व मनूया ककालयात तिरण्कार याना तःगुयात थ्व सम्प्रदायतय्स महत्त्व ब्यूगु कारण लिच्छवि इलया अभिलेखय् थ्व धर्म नेपाःया समाजय् थाय् कायेमफुगु धइगु स्वयम लिच्छवि इतिहास सीकेफु । छाय्कि लिच्छवि अभिलेखय् थ्व धर्मतय्सु बारे छु न कथया परिचय लुङ्के थाकु । थथे मसानया नी बुलिपि व मानव खप्पर धारण याइपि जूगु कारण नेपाली समाज थ्व धर्मयात उलि स्वीकार मयाःगु खनेमदु । थ्व हे कारण जुइमाः कि लिच्छवि इतिहासय् थ्व धर्म बारे अन्धकार जूवगु खः । थ्व सम्प्रदाययापि शिवलिङ्गयात महत्त्वबिया पुजा

याइपि खः तर थ्व कालामुख व कपालिक अनुयायीतय्स नेपालय् थःगु मत प्रचार याये मफुत गुलि पाशुपत धर्म थाय् काल । पाशुपत धर्म नेपाःया समाजय् गावकं थाय् कायेफुगु कारण थ्व धर्मया अनुयायीतय्स भेषभुषा व धारणयात महत्त्व मव्युसे मुख्य पशुपति लिङ्गयात उद्देश्य दयेकूगु विशेषता खः ।

वीर शैव अनुयायीत लिङ्ग मूर्ति क्वखाना तईपि जूगुलि थ्व वीर शैवतय्स लिङ्गयत धायेगु न याः । थ्व धर्म बारे लिच्छवि इलय् समाजय् गुलि तक प्रचार जुल धइगु बारे इतिहासय् म्हासिके थाकु । तर मल्ल इलय् वयाः थ्व सम्प्रदाय नेपालय् तसकं प्रचार जूगु धइगु मल्ल इलय् पलिस्था यानातःगु छप व थिमिया अभिलेख सिङ्केफु । स्वयं जंगमवादी मठ पलिस्था जुयाच्वगुलि न मल्ल युगय् थ्व वीर शैवधर्म नेपाःमितय्सु जनजीवनय् थाय् कायेधुकूगु धायेफु । थ्व जंगमवादी मठ वीर शैव अन्तर्गत छगू सम्प्रदाय खः । तर थ्व लिङ्गयत धर्म लिच्छवि युग धुकाः जक प्रचारय् वःगु धइगु मध्यकालिन इतिहास सिङ्केफु । छाय्कि लिच्छवि युगया इतिहासय् थुनिया फलक खके थाकुगु व मध्यकालया अन्तपाखे वयाः थुनिया अस्तित्व खनदये धुकुगुलि खः । थ्व सम्प्रदाय सु जुजुया इलय् नेपालय् प्रवेश जूगु बारे निश्चित रूप धाये थाकु । तर मध्यकालया अन्तपाखे वयाः थ्व सम्प्रदाय प्रचार जुजु वःगु धइगु इतिहास अवश्य हे सिङ्केफु ।

भारतीय आगन्तुक धर्म नेपाःया प्राचीन धर्मय् प्रभाव लाकाः नेपाःमितय्स प्राचीन इलनिसे ज्वनावःगु धर्मयात न गुलि तक थःगु करणयात धइगु थी नेपाःमितय्के ज्वनाच्वगु सांस्कृतिक द्यावलोकन सिङ्केफु । थथे विदेशीतय्स नेपाःमितय्सु संस्कृति व धर्मयात थःगु सम्प्रदाय दुने थगकारण यायेगु न्हयाकः हे कुतः याःसा नेपाःमितय्स थःगु विवक कथं धर्म न्हयाका हःगु धइगु विवमान संस्कृति क्यनाच्वगु दु । थौतक स्वनिगाःया नेपाःमितय्स बागमतिताय थःगु सांस्कृतिक, धार्मिक व जनजीवनय् उलि हे पावन तिर्थ कथं महत्त्वबिया वयाच्वगुलि थ्व सिङ्केफु कि आगन्तुक शैव सम्प्रदायतय्स थःगु धर्म नेपालय् प्रभाव लाकुसा नेपाःमितय्स प्राचीन धर्मयात मूर्त रूप बियाः युगयुग निसे क्वबिया हयाच्वगु दु ।



## गुंजला साहित्यिक लयपौ

सम्पादक : दिलरत्न खड्गी  
व्यवस्थापक : श्यामकृष्ण खड्गी  
कम्प्यूटर : तेज महर्जन  
थाकू : धर्म चक्र अफसेट प्रेस, थाय्मदु  
विशेष ग्वाहालि : शदर कसा:

### पिकाक

गुंजला प्रकाशन

यें।

## पिकाकया थःगु खँ

भाषा संस्कृति स्वाका तयेगुया निरिति धिसिलाःगु लँपु खः साहित्यया विकास। नेपालभाषा संस्कृतियात थपू यायेगु मू आजु ज्वनाः पिथनागु थुगु गुंजला प्रकाशनया न्हापांगु पत्तायात सुथां लाकेत ग्वाहालि यानादीप भाजु रास जोशी, शरद कसा, तेजनारायण महर्जन, कम्प्यूटरय नेवाः कम्प्युनिकेशन, अर्थ प्रकाशन प्रा.लि. व थाकु धर्मचक्र अफसेट प्रेसयात यक्व यक्व सुभाय्।

अथेहे गुंजला प्रकाशनयात मदयेक मगाःगु च्वसु बियाः ग्वाहालि यानादीपिं सकल च्वमि भाजु मयजुपिं सकलसित सुभाय् देछानाच्वना।

अथेहे पत्रिका प्रकाशनया निरिति मदयेक मगाःगु आर्थिक खः खः। आर्थिक समस्यायात पूर्वकेया निरिति विज्ञापन बियाः ग्वाहालि यानादीपिं भाजु मयजुपिं व थीथी संघसंस्थायात नं सुभाय् मव्युसें च्वने फडमखु।

अन्तय् थुगु प्रकाशनया न्हापांगु कुतः जूगुलि थुगु त्याखय् दनाच्वंगुयात कुंखिना व थुगु पत्रिका निरन्तर न्ह्याकेया निरिति दुग्यगु सल्लाह साहुति छिकपिं पाखें दइ धइगु भलसा कयाच्वना।

सभाय्।

## लय्ता

- रास जोशी

ब्याहा यायेमखु यायेमखु धायेक जितः जिमि मा अबु ब्याहा यानाबिल। जितः मययेक मययेक ब्याहा यानाव्यूगु अले कर्किया छैय् वनेमाःगु पिडा हवाय् हवाय् स्वयां। जिमि मा अबु लय्ताना च्वन। जिगु कर्म क्वचाल धकाः। जिमि वय्कः व मेपिं न लय्ताना च्वन। मस्यु जिंके छु खन?

जि स्वया च्वना। सकले न्हिलाच्वन। जितः ब्याहा यायेखगु लसताय् यः पुजा न्हयात। यःयात न लय्तायेकेमाः धइगु प्रस्ताव वल। यः लय्तायेकेत दुर्गाचित मयः मयः धायेक यःया न्हयःने गःकियाच्वन। हि म्हुकाच्वन। अले दुर्गाचा स्वयम् यःयात लय्तायेकेत स्वया च्वन।

थुगु गुंजला साहित्यिक लयपोस थःगु अमूय् छयाता व बाखं, चिवाखं, चिनाखं, मुक्तक आदि बियादीत सकल च्वमि भाजुमयजुपिं इनाप यानाच्वना।

स्वापू तयेगु थाय् : नातिवज्र सफू धुकू, दगूबहा, भोताहिंति

## व मिसा जि मिजं

न्हि न्हि थे तु थौ न जि ज्या यानाच्वना। जिगु याकःसूयात अफिसय् च्वम्ह पिउन गगे भङ्ग यानाबिल 'मासाबयात छकः आर के' सर भासा ह'। अचानक आर के सर छाये सतके हल। जिगु पाखे छुं गलित ला मजू ? न पासापिस जक कम्प्लेन यात ला जिगु मनय् सका दासि वल।

छु ई लिपा आर के सरया क्वथाय् दुहा वनां जि बिन्ति भाव नमस्ते याना। आर के सर भयातुक्क थाकु छ्नाः वयेक छय सकल।

जितः वास्ता मयासे लिमलाः पहल आर के सर फोनय् खँ ल्हानाच्वन।

जि मूर्तिवत दनाच्वना।

आर के सरया गफ अम्ह

क्वमचानि। छु विपययात कयाः

अपाय्हाकः खँ न्यायेका च्वगु खः

व न जि थुइकेगु कुतः मयाना।

वया फयेक न्हिच्छि हे खँ

ल्हानाच्व जितः कपाः सस्याये

माःगु हे छाये ? खय्त ला आर

### दया खड्गी 'बेचैन'

के सर जक मखु जिन थ्व ज्या-कुथिया कर्मचारी खः कर्मचारीया नातां छु भतिचा कपाः जि न स्याकेमाः। तर जि कपाः स्याके फयाच्वंगु मर्दुनि। तर व दिन निश्चित रुप वइतिनि। गुगु दिनय् जि जक मखु, हरेक मनूतय्स अन्याया विरोधय् कपाः स्याका हइतिनि।

१०-१२ मिनेट लिपा आर के सर बल्ल रिसभर दिक्लै।

जि मौका चुकय् मयासे न्ववाना - सर, छि सःता दियागु ला ?

- आ छगु ज्या छु जुयाच्वन ?

- जुयाच्वगु दु सर।

- याकनं याये माल का

- याना च्वनागु दु सर।

- कन्हय्या दुने दक्व ज्या

सिधयेकेमाः।

- कुतः याये सर।

- कुतः सुतः जि मस्यु ज्या

कन्हय् हे सिधयेकेमाः।

थुलि न्ववाये थुंकाः आर

के सर मौन जुल। थम्ह द्दके मज्यू स्यकेमज्यू। ग्याये माःगु हे छाये ? आर के सर हाजिर यानाः स्वीटर थाना च्वनिम्ह चमेलीचित गुल्ले मख। न हाजिर याना ताप जुइम्ह चन्त्र-मुखीयात हे खं।

खः इमिगु जवानीया जल आर के सरया मिखा बुलुइ धुकूगु दु। नत्रसा ? नत्रसा इमित न खनेमाःगु खः। अजू चायापुगु खँ ला थ्व न खः कि जिगु स्वयां दोब्बर ज्याला मुख्य हाकिमया मनु सुष्माचिया पन्डित् जुयाच्वगु दु। तर छ्याच्वः जितः हे जक छाये ? थम्ह थः के मालागु न्हःयां लिसल जि रुसङ्ग वन। फसङ्ग वगु लिसः थ्वहे खः कि - जवानीया रंग छायेपिया-तम्ह हिसिं भयव्यूम्ह व - व छम्ह मिसा। थुलि जक नं मखु ई अनुसार व हवयेफु सूर्यमुखी थे। त्वयेफु तिमिला थे। मछाले फु लाजवन्ती थे। व व छम्ह बालाःम्ह मिसा अले, अले जि मिजं।

रतमा ककाया निम्ह जक कायपि, हाकुचा व हाराचा। हाकुचा मचानिसे तसकं हे सोफाम्ह, छक्का पन्जा छु मस्यूम, मां बोम्ह न धइथे दुम्ह जुयाच्वन। किजाम्ह हाराचा धाःसा नाम हारा काम हारा। भति भति ब्वनातःम्ह जूसा सगत गितिलाःपि नाप जुयाच्वम्ह मखु। नये धुनेव छैय् घौछि थाइम्ह मखु। न्हिच्छि चाहुला म्वाः म्वाः थाय् ध्यबा ह्वला जुइम्ह जुयाच्वन। छैय् छु हालि ग्वाहालि म्दुम्ह जुयाः दाजुम्ह व तताजुम्ह हाराचा खनां हरेस नल। न्ह्याक्व धाःसा 'छिमिगु कमाइ नयाः च्वनागु म्दु, जिमि बोया सम्पाति नयाः च्वनागु खः आःतक' धकाः दाजुम्ह तताजुम्हेसित लिसः बीम्ह जुल। चिधिकम्ह काय्या बानि व्यहोरा खनां रतमा ककाया नुगः खः। न्ह्याक्व जा बुद्धि व्यूसा भतिचा हे सुथोलाःम्ह मखु।

सगत गतिमलाःम्ह जुयाः रतमा कका ब्याहा याना ब्यूसा थःगु थासय् वइला धइगु मनतुना भौमचा धायेके छवल। भौमचा चूलात, ब्याहा न जुल। ब्याहा जूगु निर्दे दसानिसे अश माल धकाः कचकच याना हल। रतमा कका निम्ह कायपित बराबर थःगु सम्पाति बाँछि बाँछि इना बिल। अन लिपा न वयागु बानिइ भतिचा हे ह्यूपाः मवः। मूल्ये लाःगु स्वपी वुं इनाबिइ मलाव वयागु पीर हे रतमा कका थ्व संसार त्वःता वन।

छन्हु हाराचा भट्टि पसलय् पासापि नाप बजि नयाच्वंगु। हाराचिगु ध्यबा नये त्वने मोज याये दसेलि इमित छु माल। हाराचित च्वये च्वये तयाः खँ ल्हाइगु, हांगाचा धाःसा मख्छ जुया च्वनीगु। पासापिस खँ थ्वयेकल 'स्व हाराचा छिमि बोम्ह दक्व सम्पाति इना बियावन, व लैय् लाःगु वुं धाःसा छन्त हे धकाः त्वःता व थे च्व'। थौकेन्हय् व बुंया मू गुलि थ्य स्पूला छ ? पासापिनिगु खँ न्यन्य हाराचा वुं दक्व थःगु हे नामय् यायेगु सुरे जुल। छैय् न्हि न्हि ल्वापु याना हल। छन्हु वनां

अड्डाय निवेदन तल। अड्डाया हाकिमयात व वुं थःगु नामय् याना बिउसा थुलि बिइ धकाः बिन्ति यात। चलाखम्ह मालापोतया हाकिमं ज्यू धकाः ह्येकाः छवल।

कन्हय् कुन्हु व हाकिम दाजुम्ह हाकुचित सःताः धाल, 'स्व हाकुचा छिमि किजा थथे यायेत्यंगु जुयाच्वन। स्वव्य् छव्व छन्त का, मखुसा वन खनी मखु, दक्व वयागु जुइ। सोफाम्ह हाकुचा धाल 'आः छु याये किजां नःसा नके व्यु' धाल। थुखे हाकिम हाराचित धाल, 'स्व हाराचा जितः स्वव्य् छव्व बिइगु जूसा जक थ्व ज्या जुइ मखुसा जुइमखु। निव्व थत दइगु जूगुलि हाराचा ज्यू धाल। लिपा व स्वपी जग्गाया जग्गाधनी पूजा पिहा वल। स्वकू। जवरिखे लाःगु छपी हाकुचिया नामय् खवरिखे लाःगु हागया नामय्। दथुइ लाःगु छपी मालपोतया हाकिमया नामय्

## आस्कृति

● मजनु महर्जन



## वथं गःगु डायरी

- कमला मानन्धर, न्हयःखा

डायरी सुयागु स्वयेमत्यः धाइ । डायरी स्वयेगु पाप । तर धूल गयाच्वगु अले कःसिम्वलं ज्वःगु लखं फुचाय् च्वगु थ्व डायरी दुने रसिला शून्यतायात पाचिनाः क्वथाय् याकचा त्वलय् जुया च्वनाच्वन । वया नुगलय् छु छु खं लुयाच्वन खः मस्यु । तर वया ख्वालय् धाःसा बच्छि आशा या जः खनेदुसा बच्छि निराशाया सुपाचं भुनाच्वगु यच्चुक सिद्धु ।

इ.स.या महिना कथं कन्हय् february 14 तारिख । थ्व न्हियात मेमेगु देशय् valentine day अर्थात मतिनामिपिनिगु न्हि कथं न्हयइपुक न्यायेकी । अले थुगु दिनय् सु नं मतिनामिपिसं ख्वाः खिउँकिमखु । इमि थःथः यज्जु नापलानाः थवथवय् भित्तुना देछानाः थःथःगु नुगः खं प्वकेगु याइ । धाइ थौया दिनय् थः यज्जुया नाम अपस च्वन धाःसा थःगु मन्तुना पूवनी ह । अले सुया मतिनामि त चाया च्वगु दु धाःसा थुगु दिनय् हययेकल धाःसा त नं क्वलाइ ह । खयतला थ्व भौ नेपाःमितय् सरकृति दुने मलाः तर अथे नं मतिनामिपिस थ्व दियात थःथः मतिनामिपि नाप लानाः न्हयइपुकेगु ह्वःताःचूलाका च्वगु दु ।

अथेहे रसिलाया नं थः यज्जु तम्बयेका च्वगु तःन्हु हे दयेधुंकल । गुलि हययेकेगु कृतः यात नं हययेकेमफु । उकि व थुगु न्हियात पियाच्वगु खः । अग्रेजी February महिना शुरु जुइव हे वया नुगः चच धाल, अले थुगु १४ तारिख वयेके हथाय् चाल ।

रसिलां म्हास खकल थुगु दिनय् थः यज्जुया नाम अपस च्वनेगु । थः यज्जु नापलानाः त चायाच्वम्ह यज्जुया नुगः न्ह्याथे यानाः नं त्याका कायेगु भित्तुना देछायेगु न्हयइपुक खं ल्हायेगु अले तःन्हु न्हयःनिसे ख्याच्वगु थःगु नुगःयात न्हिलाय् हिइकेगु आदि आदि थुगु दिनय् ला थः यज्जु नं बालाक हे खं ल्हाइ धइगु वया तःधगु विश्वास । तर तर तर February of 14 तारिख वये न्हयः हे वयात छु हे सुचं मबिसे वया यज्जु यँ नं तापाक वना बिल । रसिलाया नुगः तसक खल । वं खकूगु म्हास फस पुइकेयकीला धकाः स्यात । रसिला थुगुनेया थुगु न्हि लुमकल । थुगुने थुगु दिनय् इपि निम्ह थवथवय् भित्तुना देछानाः तसकं न्हयइपुक न्हि छ्याःगु खः । उगु दि वयाः यज्जु गथे त्वःमके फइ ? रसिला थःगु नुगः त्याकल कि थुगु दि लुमका थब्ले तक्क ला तापाक वंम्ह वया यज्जु लिहा हे वइनि ।

Feb 14 । थौ रसिला थः यज्जुया नामय् व्रत (अपस) च्वन । थः यज्जु बालाक लिहा वये फयेमा धकाः दयाथाय् देवा च्याकल । थः यज्जुया ख्वाः मस्वयेक लः छफुति नं म्हुतुइ तयेमखु थौ सन्ध्या काइलय् तक ला न्ह्याथे यानाः नं थ्यकः वइनि धकाः न्हिच्छि छालाना च्वन । सन्ध्याकाइलय् थः यज्जु नापलायेत वया छँय वन तर अपशोच वया यज्जु थ्यकः मवनिगु जुयाच्वन । चि नःम्ह खा थं निराशाया सुपाच भुकाः मिखाय् खबि लःलः धायेका व लुरुलुरु छँय लिहावल ।

थौया दिनय् मिखा खबि महायेकेगु बाचा यानाच्वम्ह रसिलाया नुगः तज्यानाः मेचायेक हे मिखा खबि सुल्ल प्याच्च महिताः न्यताः अले मन्चाया लं जुनाः तिकितिकि लन । अले तीजक थःगु बाय्गु थः यज्जुया किपा लिकात, किपातय् च्वम्ह थः यज्जुया मिखानाप मिखा ल्वाकाः बाः वया च्वगु खबि हुया मुसुक न्हिलाः थः यज्जुयात भित्तुना देछात 'Happy valentine day' धकाः । तर वया यज्जु छु लिसेः मय्यु वयात त्वालां स्व जक स्वयाच्वन । न्हिच्छि छालानाच्वम्ह रसिला थः यज्जुयात साकं छक्कः चुप्पा नयाः थःगु अपस क्वचायेकल ।

थौया न्हि ला फुनावन तर, चा गथे याना ब्याकिगु रसिलायात न्हयसः लुयाच्वन । रसिलाया विश्वास अफं मतनि । बहनी लिबाक हे जूसा वया यज्जु थौ अवश्य थ्यकः वइ, भ्यालय् थस्वयाः वयात भित्तुना देछाया वनी धकाः भ्यालय् मिखा लायाच्वन तर वया यज्जु थौ लिहा मवः, व हे मवः । थौ वया विश्वासय् तःधगु धाः लात, वया म्हास रवःफस पुइका यन । वया मन्तुना न्हाय्क तज्याः थं चुचु दन । व नुगःची मफुत । लुधक छक्कः खल हवाय् हवाय् । थौ वयात स्वयेमते धकाः हययेकीपिं सु म्हु । व थः थम्ह थत हययेकेगु असफल कृतः यानाच्वन । डायरी क्वमचाःनि, आखः सी मन्त, कःसिम्वलं ज्वःगु लखं खः वा अपस च्वना यज्जु नापलायेगु म्हासय् ख्या हःगु खबि खः व सी म्हु ।

## छ वैगु ई पियाच्वना

- राजभाइ जकःमि

छ हे धकाः जि थौ तले थ्वहे लँची पियाच्वना न्हियान्हिथं स्व छगु ना नुगः किपाय् किया च्वना ।

मिहगः छभाः पुलुक जि थ्वहे लँची छ खगु खः मत्यःनि नापलाय्गु ई धकाः लिहां छ वगु खः जितः स्वस्व थ्वहे लँपु छ वइगु न्हि पियाच्वना ।

नस्वाःगु स्वां जुया जिगु नुगः दुने छ हवैतिनि । छगू व न्हूगु दि जुयाः व ई लिसें छ वैतिनि उकि नुगः सग ज्वनाः छ वैगु ई पियाच्वना ।

## नलिम्ह जि, न्हूगु कासाय्

- माधब मूल

जितः तनेब्यु थुकथं हे जि मिहते थत यक्व थनया ख्यलय् सुना नं 'गुलि मिहता जुइगु' धाये ब्यु जि कासा मम्हत्तुसे च्वने मखु । जि थत छु छु तायेंका ब्वलना सदां थःगु बाखनय् गुलि ब्वाना अयन्, जिगु यात्रा क्वचागु मखु माया जालया संसार प्यखेरया लकस हे थज्याःगु गुलि युग अफ हने मानि । मिखाया नानीचाय् तक्कना च्वगु थनया लु मे च्वकाय् तक्कय्गु थनया सवाः सदां थन थ्वइच्वगु सः न्यनेमाःगु न्हाय्प न्ह्याक्व हे ई ई पंसा । आः ला हथाय् जुइ नं धुकल न्हूगु युगया मनु दुने न्हम्ह मनु न्हूगु लकसया मतिइ न्हम्ह जि, न्हूगु कासाय्

## भिकू हाइकु

- कृष्णमोहन जोशी

१  
फुति फुति लः  
सरगत क्व जुल  
धरति न्हिल  
२  
ल्वह द्यः जुल  
शोषक मक्ख जुल  
मनु ज्यः जुल  
३  
खिमिला दुने  
तिमिलाया तयजु नं  
नुगु थारा न्हू  
४  
माकःचिया जाः  
चफुइगु कुतलय्  
को ल्वानाच्वन  
५  
पजःया दुने  
कुनातःपिं भःगःत  
ल्वाना वैच्वन

६  
कुला उलेव  
निभाल मिखा ब्वइ  
ख्यु तनावनी  
७  
जि पियाच्वना  
ई ला न्ह्याना हे च्वन  
च्यूताः हे मतः  
८  
थःत छि कथं  
ई सालेगु कुतलय्  
जि ल्वानाच्वना  
९  
च्याये जक माः  
विद्रोहया तःमिप्वाः  
छुसि अथे वै  
१०  
जि हवयाच्वना  
क्यबया स्वामापाति  
गथुया माया

## लुमन्ति

- नीलः साय्मि

पुलुक छकः स्वया वन  
थ्व नुगःयात वयेका ।  
तं नं मधाः छ थायन  
मन जक लः लः धायेका  
स्वैत न्यने जि छगु ना  
गथे मालेगु छगु थाय्  
छु खः छु गथे खः छ  
केवल खता जि छन्त छकः

हाकुसे च्वगु ख्वाः छगु  
न्हिलासु दु उकि अति हे  
स्व लिसें छ स्वये मगाःगु  
गथे त्वमके छन्त जि अथेहे ।  
भवःछँ २२ यँ ।

## निपु गजल

- कपाली एच.के.

स्व जक स्वयेगु नं बेकार खः  
हव जक हवयेगु नं बेकार खः ।

यःगु हे खःसा दुनुगलनिसे  
नव हे मवायेगु नं बेकार खः ।

बालाःगु स्वां थ्वयेमज्यु काचाक्क  
कथं तिइधुकाः स्वयेगु नं बेकार खः

कालबिल ला जुया हे च्वनी जिन्दगी  
बि हे मवीक फयेगु नं बेकार खः । □

जिगु दुःख जिगु सुख जुइ ब्यु  
लुमन्ति सलिं जायेक लुइ ब्यु ।

छगु यौवन जुल जिगु जीवन,  
नालेधुन स्याक्क कथं सुइ ब्यु ।

गथे त्वःमके बाये माःगु व दि,  
चा जिगु कथि मिखा हे फुइ ब्यु

जिगु थ्व जिन्दगी जिगु मखु,  
जिगु थ्व ना हे नं छगु जुइ ब्यु ।

छु स्यु अय कपाली थथे जुइ  
जिगु सासः सासलय् छ जक लुइ ब्यु । □



## लुँचुमर अजिमाया लिक्क लोकेश्वर छःगःया दुने च्वंगु ल्वहंपौ

उँ नमः श्री भगवत्यै ॥ उँ अद्य ब्रम्हणी द्वितीय प्रहारा  
सवराहक लो वेव स्त्र तमन्वन्तरे अष्टविंशति तमर्त्यं चतुर्य्यं  
लौ प्रथमं पादे याम्बुद्वीपे भरत खण्डे भारतवर्षे) आर्याव .....  
भिष्म व दक्षिण पादे नेपाल मण्डले श्री वासकी क्षेत्रे श्री ३ पशु.....  
धाने वागमत्याः पश्चिम कुले विष्णुमत्याः पूर्व कुलेश्री मत्स्य....  
महानगरे श्री यस्व ५ मरेश्वर भट्टारक स्थाने इ है .....  
मौ ॥ माघ मासे शुक्ल पक्षे श्री पंचम्या तिथौ । उत्तर भाद्र नक्षत्रे ....  
व्योगे । याधकर्ण मुहुते ॥ सामेवासरे ॥ मकर राशिगते सवि .....  
मीनराशिगते चन्द्रमासि ॥ न्हापाकेरटोल जमल गाँथि छैय .....  
न थ्व सतल दयेकाओ, पात्सावुरो न दुताओ तथोगु-पर्वडिन...एवटो  
ल ल यन्ता छेया देवी दासभारो, भवानी दास भारोसन थ्व सतल जीणो  
द्वार डाओ प्रतिष्ठा याडा जुल ॥ पुनः लोकेश्वर देवल जिण्णोधारया  
डाओ देवतयाओ प्रतिष्ठा याडा दिन जुलो ॥ थ्व तयाथोलसानननि  
लपूजा बुसाधन इन्द्र यात्रास मालक्व न्हापाया परिभाखा  
थ्यं सगोष्ठि छिनंपाल-बोछि म्स्तलपाओ भक्षा भोजन यास्यं  
पजा मालजुलो । थ्वते परिभाखा थ्यं भिनक निदान यात सोय  
जो मानादि सगोष्ठि किया जनधन लक्षिम सन्ततति सन्ता  
नवृद्धि जुयु ॥ स्वदती (ली) पनद-स्वा-न्ति वसुधरा । प  
छी वर्ष सहस्राणि विहा यां जापत -- थ्वते भाखा  
पाहष्टजो (वा) क्षित्रीम - बच्चन्द्रार्क मादेणी ॥ शेयोस्तु स  
म्बत १२८ माघ शुदि ५ शुभ मस्तु ॥ॐ॥ॐ॥

- न्ह्यब्वःम्ह : शरद कसाः

## गजल

अयलाख मखु जितः छँगु वैशं काल न्हां ।  
सांहनी न मखु जितः छँगु यौवन शाल न्हां ।

केलेहें हंगु मिखां जितः स्वया वनेमते  
छं स्वःगु खना थ्व नुगलय मतिना जाल न्हां ।

सर्गत्य ब्वया च्यापं भंगः पछितयसं स्व जितः  
छन्त नं मतिनाया ल्वचं कल धकाः धाल न्हां ।

छं स्वःगु खना स्व मयजु बुलुहुं बुलुहुं  
जिगु नुगलय मतिनाया लुखा चाल न्हां

निन्हु प्यन्ह्या भीगु मतिनाय स्व यज्जु  
गथे जुयाः मस्यु थौ गजलं दाल न्हां ।

दिलिप शाही 'शान्ति यज्जु'

'गजला' साहित्यिक लय्पौ  
नेपालभाषाया ख्यलय  
न्हूगु जः जुयाः सकल  
नेवाःतय दथुड  
पिथनाच्वने फयेमा धकाः

## भित्तुना

नमस्ते

ह्याण्डिकाफ्ट

डल्लु यैं ।

नेपालभाषाया ख्यलय न्हूगु म्हसिका ज्वनाः  
पिलूवःगु साहित्यिक लय्पौ गुंजला मदिकक  
पिदना च्वने फयेमा धकाः

## भित्तुना

विश्वमूर्ति फिल्मस् प्रा.लि.  
स्वयम्भ भगवान पालि

साहित्यिकारपनिगु दथुड 'गजला'  
साहित्यिक लय्पौ धिसिलाःगु पलाः  
जुयाः न्ह्याच्वने फयेमा धकाः

## भित्तुना

टिक्टन थाङ्का कलेक्सन  
थमेल

साहित्यका पारखीहरूमाभ 'गजला' साहित्यिक  
लय्पौ सँधै उमंगका साथ छाडेरहोस ।

यही हाम्रो शुभकामना

गणेशबहादुर खड्गी

वडा अध्यक्ष

यैं मनपा ३१ वडा जः

सम्पूर्ण नेपालीहरु समक्ष 'गजला' साहित्यिक  
लय्पौ साहित्य र संस्कृतिका घंटलागदा  
लेखकहरुले सजिएर छाडेरहोस ।

यही मंगलमय शुभकामना

केसिज रेष्टुरेण्ट

थमेल

२८ X १ साइजया पस्मिना थायेगु सुका  
माःसा स्वापू तयादिसं ।

## सिद्धिरत्न शाही

फोन : २७८९८६

## श्री शेरबोन मिल प्रा.लि.

कुम्भेश्वर, ललितपुर, नेपाल ।

पो.ब.नं. २९८१, फोन : ५३४८९२, ५३४८३९

(राशायनिक मलको प्रयोगले माटोमा हुने अम्लीयपनालाई  
हटाई उर्वराशक्ति बढाउने एक मात्र प्राङ्गारिक मल)

'गजला' साहित्यिक लय्पौ नेपालभाषाया ख्यलय न्हूगु जः  
जुयाः सकल नेवाःतय दथुड पिथनाच्वने फयेमा धकाः

## भित्तुना

कृष्णलाल महर्जन

सासद, क्षेत्र नं. २, यल ।

नेपालभाषा साहित्यका ख्यलय 'गजला' साहित्यिक  
लय्पौ सुथां लाक्क न्ह्याये फयेमा धकाः

## भित्तुना

शाक्य गहना (प्रो. ज्ञानसुन्दर शाक्य)

भ्याःचाय, बंधः ।

साहित्यका धुक जायेगुली 'गजला' साहित्यिक लय्पौ सदां  
धिसिलाक्क न्ह्याः वने फयेमा धकाः

## भित्तुना

दिनेश शाही

१८ वडा, भुरंगखेल

साहित्य व संस्कृतिका थुडकेबहगु व सीकेबहगु च्वसु मुनाः  
पिलूवःगु 'गजला' साहित्यिक लय्पौया सकल जःपित

## भित्तुना

इमेज आर्ट एण्ड ह्याण्डिकाफ्ट

थमेल, क्वाःपुखू ।

नेपालभाषाया ख्यलय न्हूगु म्हसिका ज्वनाः पिलू वःगु साहित्यिक  
लय्पौ 'गजला' मदिकक पिदना च्वने फयेमा धकाः

## भित्तुना

हरिकृष्ण व्यञ्जनकार

जिल्ला दुजः, नेकपा एमाले, यल ।

साहित्यिकार पनिगु दथुड 'गजला' साहित्यिक लय्पौ  
धिसिलाःगु पलाः जुयाः न्ह्यानाच्वने फयेमा धकाः

## भित्तुना

ज्ञानेन्द्र शाक्य (वडा नायः)

यल उपमनपा १८ वडा जः